


張文忠公集


文三之四



漢書門			
類	號	函	架
二	二	七	一
〇	〇	〇	〇

內閣文庫			
類	號	冊	函
二	二	一	三
〇	〇	〇	〇

內閣文庫	
番號	漢 10422
冊數	10 (7)
函號	316 129




大帥張文忠公集

文稿卷之三

書提牢廳壁

皇上嗣位改元明年夏五月孚敬再領提牢廳事適
天示戒

上省躬之餘詔兩京及天下有司慎獄恤刑以召
和氣以答天譴由是兩法曹自大司寇至於羣
屬靡不矜兢奉若 德意罪非大惡悉從輕典
小過宥之囚者去過半矣已復疫癘大作孚敬
甚憂之乃日督獄卒糞之熏之醫必精之官吏



必躬視之甦者必澡其身更其衣時飲食之受
械之窩垂者湯之傷於鼠者迎猶除之以至堂
宇倉庫敝壞者謀新之復之或曰子一月提牢
官耳不其勞乎乎敬曰十三司總天下之刑者
也提牢官又總十三司之刑人者也官必一人
專其責也月必一更節其勞也況今

皇上惟刑之恤體天心仁愛而大司寇暨羣屬體
皇上之心也乎敬於心敢不盡與夫一日居乎其位
則一日業乎其官苟知此心之當盡也雖終歲
猶不足苟不知此心之當盡也雖一日為有餘

是尚可論一月提牢官哉或者是乎敬之言因
書之

題賓月軒

提牢廳事後有賓月軒誰氏子所作也余初至
已敝再至敝益甚矣因慨然曰前人之謀後人
之責也乃新之為五月既望坐余于軒見月出
於鍾山之上欣欣然舉杯邀月信予為主而月
為賓矣忽念夫為此軒者已不可知余之處此
能復幾時又月則長照軒中又日月為主而余
為賓矣雖然余非月弗知也月非其人弗與也

疇昔讀書羅峯山中長對月許為之主今且負
之久矣乃得相隨於此軒中見之能無感乎將
孰為主孰為賓乎噫余與月也而今而後賓主
之辨免夫

姚溪窮源記

環壘皆溪也中分為二而復合予書院立焉既
訖功釋菜開講時同志從游者幾三十人一日
水發溪漲予曰有本者如是列者曰可得其真
源乎予曰試相與窮之踰日明發從予者凡八
人徐生道婁生恪項生相夏生一鯨其曰鈿其

曰鐵曰綱曰紛者皆姪也綱薰爐以道鐵載糗
裹茗以備饑渴既而花氣薰人遂滅爐燼溯溪
澣而行水清沙碧可見伏魚有雙巖倚附名為
石門過此則皆亂石水激泠泠有聲道與綱紛
皆疾足遂此渡溪陟巘顛予自下望之並出青
雲想像如人在而非真也乃自先行至一石室
坐候之少焉見落花自上游來疑為此真桃源
而非人世矣蓋其三人取繁花亂插之而棄其
餘遂作落花流水之勝亦其風致也既而至一
潭名洗足潭水色如藍相傳以為嘗有異人洗

足於此又一潭名篋絲潭相傳以為其底通海
非篋絲所能測也及午飯僧舍山雨忽來乃就
禪榻以卧既寤雲散天朗山氣益清遂至一潭
名板障潭壁峻削如板障然下深無底常有潛
龍故又名卧龍潭其平巖有竅小如盤大如盂
相傳以為神物卷刮而成旁又有一大巖水激
如礮可坐三十人與諸生憇焉取杜子美詩誦
之道生起請名其所予名之曰川上吟壇既又
行數百步見一巖圓如人顛口輔俱足道生又
請名之予名之曰一笑巖其中地復寬平溪皆

沙土無亂石其土名為鴻巖為楓臺為鄭愚路
岐多所出入過此則遙望兩山突兀峻極不可
登矣然則茲溪也其源也可得而窮乎夫觀水
而不窮源非知本也源而可窮非真源也于此
且復忘返之懼遂相與詠歌而歸再經吟壇之
上予與諸生皆力疲復就石偃息睥睨宇宙之
寬而不知吾身之何在也昏黑歸院忽有悍吏
誅求窮民其一婦抱子疾聲求援予進諸生而
語之曰今日之行樂矣乃復此無憂乎范希
文謂士當先天下之憂而憂後天下之樂而樂

盍與汝輩思之諸生曰命之矣可識之以示弗
忘遂篝燈書之

慕恩亭記

慕恩亭謂何榮君之恩而思慕之也夫人臣
孰不受君恩也而乎敬特至嘗以賜金作
堂房榮君恩也示休戚同沒世不敢忘也
上聞之以獻皇帝手書榮恩堂三字製軸御題
皇考手澤四字旁注孝子皇帝識五字銀印一枚篆
永嘉張茂恭印六字及銀幣等物勅賜以為
君臣相慶之意此誠千載以來人臣所無之殊

典也然則斯堂之作也名曰榮恩其諸異乎
人之堂歟未幾賜歸山中孚敬慕

君恩不敢忘也堂堂若見之旋復召至堂如故焉

未幾又賜歸山中孚敬慕君恩不敢忘也

堂嘗若見之旋復召至堂如故焉堂後嘗栽

五栢作栢菴識歲寒也土救不茂因拓地作慕

恩亭環以栢識歲寒也慕恩謂何榮

君之恩而思慕之也所以示後人世守之也夫

君臣之義莫遜於天地之間而去就無常日月逝矣

吾何容心焉孟軻氏曰仕則慕君不得於君則

熱中大孝終身慕父母夫曰仕則慕君非真慕也
也 皇上視乎敬義雖君臣 恩猶父子茲慕
也誠終身之慕去就弗與焉嗣此吾子孫當世
守之永慕之則夫榮恩之堂可無慕

恩之亭歟因勒石以示吾後人尚勗之哉尚勗之哉

萬竹亭記

亭作維何余為存舊書院而作也存舊維何余
未第時嘗于茲作羅峯書院值 聖天子登進
廼 錫名貞義書院 勅建有 敬一亭也志
堂矣夫更新者 聖恩也不敢忘也存舊者亦

心也不敢昧也萬竹維何堂今有東西林甚茂
密山南北復徧生焉萬竹奚啻夫竹堅剛不改
君子比德焉余始讀書于開元僧舍作一竹亭
今作萬竹亭君子比德焉一不為少萬不為多
矣詩云瞻彼淇澳棗竹猗猗有斐君子終不可
諼兮然則茲溪也殆淇澳與有斐君子余竊愧
夫

留勝亭記

予初幼稚時已識阮橋山水佳勝有三巨巖為
鎮其峯多奇絕正德戊寅予始構一區為讀書

所人心多忌利匠石為害有詩與彭縣尹云搜
巖抉石苦陵夷不啻昆岡火烈時君為溪山留
勝槩春歸草木長新枝時予為舉子也嘉靖戊
子 召入文淵閣蒙 聖恩勅建貞義書院抱
忠堂又 勅建敬一亭 聖制鼎新人心具仰
予始作亭于上有詩云溪口三巨巖開闢為兄
弟惡工伐其尤為誰謀大啓我兄弟多故感此
輒流涕願爾兩相依長鎮溪山底夫此山形勝
一時改觀如此詩曰既克有定靡人弗勝作留
勝亭

觀荷亭記

亭上舊有三疊巖予嘗有詩云合沓北山巔已
牢不可破堅剛渾一體勿疑還箇箇剛鎚莫相
欺厲禁幾經過請看半山人正在隆中卧有旗
障巖詩云小廟日焚香山靈茲供養絕壁凌飄
風觀望似旗障我欲請山靈勒移于其上遊子
慨我欺誰是山中相兩山夾溪亭下匯為大池
夏子仲振昔為予嘗種蓮予贈之詩云五月一
日分荷栽祗恐今年花未開明年花開主人遠
也應念我看花來時予為舉子歲月云邁物序

感心今果成荷池矣作觀荷亭

祠堂議

祠堂之設雖近世大儒禮以義起而其為制則一以宗法行之蓋古之所謂宗法者有百世不遷之大宗有五世則遷之小宗故凡今之有志於報本反始立祠堂以祀其先者必首立大宗以見本之所以一也又必各立小宗以見支之所由分也庶幾禮明義盡而宗法亦於是乎在矣乃若合親踈於一堂混昭穆而無別或以支庶而各祭其祖禰或以有後而附為之旁親夫

豈大儒君子所以酌古立祠之初意哉慨自始祖迄乎敬世凡六傳成立子姓無慮百餘人大宗之祠迺置無聞豈以宗子嫡孫世業弗振因循而莫之為與抑亦支庶各以小宗事其祖禰無有知反本而裒益之者與於乎茲豈小事也邪凡吾同姓可不知所愧哉知所念哉夫天之生豪傑也不數幾能無所待而興者乎敬菲薄有志未能故識之深有望於將來二

家廟議

乎敬謹稽古天子七廟三昭三穆與太祖之廟

而七諸侯五廟二昭二穆與太祖之廟而五大夫三廟一昭一穆與太祖之廟而三士一廟庶人祭於寢此廟制也又稽古別子為祖繼別為宗繼禰者為小宗有百世不遷之宗有五世則遷之宗百世不遷者別子之後也宗其繼別子之所自出者百世不遷者也宗其繼高祖者五世則遷者也尊祖故敬宗敬宗尊祖之義也此宗法也後世廟制不明宗法亦廢士大夫之仕於朝者雖位至卿相祿極人臣率多廢而不講况其下者乎漢世公卿貴人多建祠堂于墓所

魏晉以降漸復廟制其後遂著為令以官品為所祀世數之差唐制文武官二品以上祠四廟五品以上祠三廟六品以下達於庶人祭祖禰於正寢五代蕩析廟制遂絕宋興仁宗閔羣臣貴位公相而祖禰食於寢儕於庶人遂命禮官儒臣議定廟制自平章事以上立四廟東宮少保以上立三廟餘官並祭于寢至徽宗大觀中又令文臣執政官武臣節度使以上祭五世文武陞朝官祭三世餘祭二世其後終有廟者之子孫或官微不可以承祭又朝廷難盡推襲爵

之恩遂不果行先儒朱子約前代之禮創祠堂之制為四龕以奉四世之主并以四仲月祭之國朝品官廟制未定於是權放朱子祠堂之制奉高曾祖禰四世之主亦以四仲之月祭之此載諸大明集禮可考也夫祠堂之制雖倣古廟制為之然達諸士庶皆然擬若無差等者又况古之大夫三廟諸侯之大夫也而今之卿大夫天子之大夫也今制天子九廟卿大夫若拘古三廟之制則止祭及曾祖不得及高祖矣有問程子曰今人不祭高祖如何曰高祖自有服不

祭甚非其家却祭高祖又曰自天子至於庶人五服未嘗異皆至高祖服既如是祭祀亦須如是朱熹曰考諸程子之言則以為高祖有服不可不祭雖七廟五廟亦止於高祖雖三廟一廟以至祭寢亦必及於高祖但有疏數之不同推此最為得祭祀之本意禮家言大夫有事省於其君于祫及其高祖此則可為立三廟而祭及高祖之驗馬端臨曰自天子以至于士五服之制則同而祭祀止及其立廟之親則大夫不祭其高曾士不祭其祖非人情也程子以為有服

者皆不可不祭其說當矣又嘗攷之禮經參以諸儒注疏之說然後知古今異宜禮緣人情固當隨時為之損益不可膠於一說也禮云支子不祭祭必告于宗子又云庶子不祭明其宗也蓋謂作大宗則不得祭別子之為祖者作小宗則各不得祭其四小宗所生之祖禰也先王因族以立宗敬宗以尊祖尊卑有分而不亂親疎有別而不貳其法甚備而猶嚴於廟祀之祭然諸侯不敢祖天子而天子之為祖者自有天子祭之大夫不敢祖諸侯之為祖者自有諸侯祭

之支子不敢祭大宗而大宗之為祖禰者自有宗子祭之蓋已雖拘於禮而不得祭而祖考之祭則元未嘗廢適士官師雖止於二廟一廟而祖禰以上則自有司其祭者此古人之制也後世大宗小宗之法既亡別子繼別之序已紊未嘗專有宗子以主祀事其入祀者又多崛起單寒非時王之支庶不得以不敢祖天子諸侯之說為諉也乃執大夫三廟適士二廟之制而所祭不及祖禰之上是不以學士大夫自處而孝敬之心薄矣烏得為禮乎故曰古今異宜禮緣

人情當隨時為之損益不可膠於一說也乎敬
之先有諱敬宗慎菴君宋乾道間自閩之赤岸
始遷居永嘉迄乎敬凡六傳矣高祖介菴君諱
興曾祖簡菴君諱轉寶祖祜菴君諱敏父諱昇
守菴君也乎敬竊思家世業農未嘗有入仕籍
茲荷蒙 聖天子厚 恩自曾祖以下三代皆
獲 贈一品官矣自揣微劣實賴祖宗積德所
致也奈之本支衰微者不能為禮世代短促者
又各自為宗乎敬方有事於高祖而介菴君之
主亦既祧矣無廟矣方推 贈於曾祖而簡菴

君之主亦既祧矣無廟矣夫士庶人尚得祭及
高曾祖禰而官至一品者已先無高 祖之廟
豈禮制之所宜乎孝子慈孫追遠之心其何以
自盡乎去家居十里許地名姚溪乎敬家食時
嘗建書院一區荷蒙 聖天子特恩

勅建敬一亭及鼎新書院因家居焉示子孫世守之
也迺於其東倣朱子祠堂制創家廟共為五龕
中祀始遷祖高曾祖禰左右以次而奉安焉不
西上者從今之制也或曰支子不祭得無有僭
乎非宗法乎乎敬曰古者父為士子為大夫葬

以士祭以大夫可見推恩之典未嘗有也今子
為大夫者祖父三代皆如其官矣焉有

恩推及三代而自不得以其祿祭其祖者乎是非獨
不足以盡追遠報本之情亦非所以榮

朝廷之恩命矣是固可以義起者也况乎敬推

恩之典方及曾祖而繼曾祖之小宗世代短促固已
自足四親之祠而曾祖之廟不得不毀矣今一
品家廟之建議有不容以不建也或又曰子贈
及三代為一品官矣祀三代宜也又推及高祖
始遷祖何也乎敬曰贈及三代 朝廷禮制所

物因之而不祭高祖則作矣為子孫者又專可
擇其祖考而祭之若以水木本源之義推之則
始遷祖即可擬始祖也或問朱子以始祖之祭
朱子曰古無此伊川先生以義起其當初也祭
後來覺得似僭不敢祭今慎菴君高祖介菴君
父也實乎敬先祖也程子先祖者初祖以下高
祖以上之祖也立春生物之始故象其類而祭
之丘濬曰程子謂祭初祖以下高祖以上祖則
自高祖以下四時嘗祭者不復與也今擬高曾
祖考祭之所以然者蓋專為合族以居者謂也

夫古者君子將營宮室必先宗廟傳曰古者三
月無君則弔謂失一時祭也今家廟成敢作此
議以告吾宗人嗚呼知我者其為此家廟乎不
知我者其為此家廟乎

太師張文忠公集

文稿卷之三終

太師張文忠公集

文稿卷之四

進明倫大典

臣等恭奉

勅旨纂修

明倫大典伏蒙

皇上親製序文今纂修已完謹奉表

上進者臣等誠懼誠忤稽首頓首上言伏以

聖人在天子之位作禮樂以化民惟

皇建民極之衷本綱常以為治蓋道莫大乎崇本而

宋史卷一百一十五

政必始於正名自有天地以來

父父子子凡為日月所照

尊尊親親況夫曆數在躬之

君又非大夫以下之比大人世及而不易君子會通

而能行自夏歷殷歷周統緒正而彝倫明由漢

至唐至宋議論多而道德隱魏詔起于偏安之

際濮議鼓于聚訟之餘事拂經常言非定論究

其流弊之滋蔓皆緣析禮之弗精人可違天不

可違理既順勢亦自順不圖今日之盛獲覩

大道為公茲蓋伏遇

皇帝陛下 晉明出地 離照當天商湯肇修人紀

以至于有萬邦虞舜察於人倫而為法於天下

操三重以撫世議禮制度考文秉

一德以宅尊敬 天勤民法

祖當 六龍時乘之運正五星聚室之期恭握

璠符光臨 璿極遵

太祖兄終弟及之訓承

憲廟子燕孫貽之謀 天與之人歸之四方不應而

後志遠有望近無斃萬姓蹈舞以謳歌念

嚴慈垂罔極之恩

宋史卷一百一十五

二

新刊皇朝通志卷之四
詔臣下議尊崇之典慨羣工之迷復執為後之彌文
一傳衆牀牢不可破以非為是紛然同辭賴天
理之未亡幸忠言之屢入人紀將隳而復振
廟謨獨斷而告成

詔定於三頌直洗末世之陋習 禮求夫一是聿崇
昭代之嘉撫本諸身徵之庶民而皆從考於前俟諸
後聖而無感紹

武宗十有六年之統而 兄弟之義盡復
獻帝十有五年之嗣而 父子之恩完人倫於是乎
大明民德翕然其歸厚

有奕

大廟與

世廟相輝

祀事孔明

大禮與大樂並作既而

聖心中啓睿思遠圖以人道之大經雖明於今日而
人心之迷惑恐誤夫後來襲舛承訛或昧於繼
統繼嗣之義貴耳賤目猶狗夫師丹司馬之名
席書有纂要之編而其終未究孚敬有要畧之
述而其事未詳爰修

大禮之全書昭示

明倫之大典

綸音兩降編摩用言禮之臣

御札時頒筆削求至當之論蓋事必稽其實而文必稱其情日繫月月繫年綱有條而不紊史載經經載道理無微而不宣五典惇敘出於天本天道以明人事衆言淆亂折諸聖經以破羣疑約文敷義而旨趣自明據事直書而正邪莫掩凡係綱常之要領隨加論斷以判評一展卷而數百人之得失昭然不逾年而千百載之典

刑具矣仰藉

神謨之廣運兼承

睿藻以發揮有血氣莫不尊親懷仁義以利

君父昔唐禮創於房玄齡之輩祇名曰開元暨宋禮成於劉溫叟之儔亦惟曰開寶率沿絲蘿之舊未免亥豕之訛豈若揭

大典以敘大倫用以伸正氣而明正道屬致中致和之應昭

大順大化之符

天地山川發祥諸福畢至歲月日時無易百穀用成

臣等謬以職業之關濫叨纂述之任粵自丁亥
春王之月訖於戊子夏正之辰才華有愧於三
長意見粗動於一得仰徹

重瞳之覽俯垂率土之觀伏願

皇上弘包含徧覆之仁取其善不追其過

擴歲垢匿瑕之量舍其舊俾圖其新老長長而

邛孤推絜矩以平天下親親仁民而愛物

廣至德以綏萬方

日重華月重輪並耀

前星之慶嶽重輝海重潤丕承

上帝之休臣等無任瞻天仰

聖激切屏營之至

謝賜五經四書

伏承

聖諭凡百六十八言 頒賜五經四書凡百五十九

卷臣稽首頓首伏以禮樂肇興

皇德建萬年之極彛倫攸敘孝誠動四方之風幸睹

斯今追隆振古恭惟

皇上聰明神孝令聞夙著於龍潛淵默端凝恭已具

瞻於虎拜遵兄終弟及之訓適

天與人歸之

期以立愛惟親追尊曷忘乎

皇考立敬惟長續緒罔墜乎 皇兄疇咨衆言爰求

典禮不虞更 詔三遍卒勞聚訟五年非

聖明作之君師幾 國家亂其倫序于是洗漢宋為

後之習率夏商及王之章嗣不失親父父子子

統不失序君君臣臣逮夫

廟議裁成益見典章大備 特命館閣用効編摩本

為臣職之恪供誤蒙 皇心之嘉悅繼天立極

真 大聖人之所作為執禮據經豈微臣之能

裨益每媿魯兩生之名敢忝舜五人之稱願

身本草菜性猶麋鹿中山小院嘗託迹于卧龍

潭内府全書幸比 賜于白鹿洞捧觀刻錄之

正足證市肆之訛非敢曰六經紙傳但願求千

古神會讀書知禮尚期皓首之窮盡忠事君敢

昧赤心之竭伏願 皇上緝熙 聖學飭戒羣

工務協寅恭之和共成孝德之助 經筵日講

非堯舜之道不陳乾健天行庶 帝王之治可

久臣不勝激切感 恩之至

謝 賜獎諭鶴服金帶

伏承

恩錫獎諭 勅一道服色二品三襲金帶一束銀三
鎰色帛八匹并錫 誥命三代者臣誠惶誠恐
稽首頓首伏以禮順人情天下公共律設大法
臣子欽遵凡夫刑之所收必為禮之所棄恭惟
皇帝陛下英明御極篤生具上知之資仁武當天繼
世振中興之業夫刑罰不中由禮樂之不興禮
樂不興由名號之不正近肇修明倫之典禮
樂斯興茲師聽寃獄之詞刑罰攸中是誠大舜
好生之德伯禹泣罪之心也竊念匹婦啣冤三
年大旱矧茲連結兩省驚異四方逮繫凡七十

八人誣同踰一二三載惟 聖主明見萬里故
兆民有賴一人臣忝史館書生原非漢廷老吏
恭膺承乏之 命殊媿淑問之能幸 睿監畢
照無遺體 聖慈哀矜弗喜揆之天理無貳無
疑驗之人心公非公是任怨惡得免罪魁推公
勤敢當功首茲承 面召文華便殿 褒語宣
揚膝加日講御筵 眷心隆重載錫 龍章賁
耀鶴服寵榮腰束黃金手擎白鏹衣裳在笥德
慚二品之章車服以庸恩兼三代之 命九原
祖父幽明同歡百祀子孫後先感德若彼為夜

繡之語祇見閭里之榮而此被畫錦之華願作
邦家之慶惟 陛下遜志時敏實邁跡于高宗
微臣孤陋寡聞敢比倫于傳說所幸 明良千
載難遇 君臣一旦躬逢敢不對揚 命德討
罪之心益致遷善寡過之力歌天保以祝萬壽
來川至以綏四方不忘集木之心永保苞桑之
業臣不勝感 恩願望之至

謝 賜 御贊詩

伏承

聖諭元正六日躬饗 祖 親二廟禮畢還宮登輦

回顧見卿道南侍立數日未忘因而述成短句特
錄 賜臣者伏以三陽開泰正當天地之交

兩廟脩誠適增雨露之感得歡心於萬國緝純嘏于
一人徹俎歌雍瞻穆穆之天子回鑿警蹕拱濟濟之
辟公不虞一介之微竊辱 重瞳之顧實遠邁
日中無準亦豈容笑裏有刀恭惟 皇帝陛下
典禮大成 廟制永定寢安藐藐且喜同人於
宗路率平平匪直遇 主于巷雖一朝之感觸
竟數日之莫忘載 錫龍章有光鶴列詩孔碩
風肆好允為 帝王之文聲依永律和聲真協

神人之德顧臣形容草莽敢羨端竒習氣山林
羞稱才傑惟忠良貞一之訓服膺拳拳於左右
匡弼之勞匪躬蹇蹇未能伊傳曷比降賚自
天願學臯夔祗恐報効無地徒知食粟何以遂歌伏
願 聖德日新邁成康守成之主至仁天啓為
堯舜間出之君眉壽萬年本支百世 宗廟享之無
恫無怨子孫保之不愆不忘永膺勅天之歌無
替卷阿之詠臣無任感 恩激切之至

謝 賜玉帶

臣於是月四日伏承

聖諭昨見卿所服朝帶不甚瑩潔今以一條賜卿可
汝用只具疏回奏免謝恩臣惶悚惶悚頓首頓首
伏以束帶立 朝揚休難於正色貴玉比德孚
尹期於潤身昔並麟服而有加今特 龍章而
載錫 恩殊千古禮絕百僚恭惟 皇帝陛下
至誠如神萬理明盡克念作聖一疵不存大化
圭璋每切望于輔弼至文追琢實多愧於彌綸
近者愚臣卧病浹旬 眷懷靡日竒劑偶劑數
見醫來廩人庖人深憐僕拜得起謝於
朝陛隨班侍於講筵公服在躬常懼不知曰罔垂

帶之悸下視而道焉存瑜不掩瑕幸荷
重瞳之照瑾能匿毀遽承大賚之更氣如白虹
恩同皎日臣敢不韞諸一匱寶之萬年兩玉相磨猶
恐不足成器千金弗售有懷豈忍迷邦伏願
天德渾成尚大圭之不篆聖心廣裕信惡石之可
攻精神見於山川禮樂蟠於天地王欲玉
女共成溫栗之休予日望之永迓精純之治臣
無任感 恩之至

謝 賜書院額名

欽蒙

聖恩賜臣書院額名并建箴石亭座者臣誠惶誠恐
稽首頓首伏以責重 君師仰 一人之建極
學分鄉國在五教之敬敷故為法非

聖人不能務本乃君子所貴恭惟 皇帝陛下
天亶聰明 帝作元后綱常提挈參于兩儀禮樂修
明俟諸百世學邁遜志商高宗不足稱智止流
言周成王有慚德已符星聚再見河清雖天地
之發祥惟夙夜之敬止知五官以心為主一心
以敬為先箴戒森嚴發明哲聖訓註條析兼總
碩儒幸通都遍邑之勒碑冀深山窮谷之蒙澤

臣竊惟永嘉壤地實忝後生閩洛淵源曾開先
進從程朱之學者幾數十人服孔孟之道者匪
二三子人文宣著雖稱小鄒魯之邦明良相逢
莫慶真堯舜之主殘經湮沒廢址陵夷慨文獻
之無徵廼書院之有建墻卑室淺無所成名木
拔道通將終托迹不虞卧龍潭之勝式增白鹿
洞之規錫類更新易名除舊門題貞義入者有
懷利之羞堂榜抱忠升者無自欺之弊金石刻
七星之座奎壁邁萬丈之光臣愚志本山中
恩從天上豈專息游之美聿觀聲教之洋 榮被罔

巒賁若草木集章縫以成俊又陋居第以傳子
孫臣敢不披瀝衷誠對揚 休命幼而學壯而
行斯不離於大道先其憂後其樂庶不負於平
生伏願 帝德巍巍不知不識 王道蕩蕩無
黨無偏歌棫樸遐不作人效華封永祈
壽考家有塾黨有庠術有序編為爾德車同軌書同
文行同倫共為 帝臣不勝仰 德感
恩之至

謝 賜忠靜冠服

臣於是月二十七日伏承

聖恩 降勅錫臣忠靜冠服一副又加

勅獎諭錫臣蟒衣三襲白金四鎰綵幣六表裏者臣
誠惶誠恐稽首頓首伏以法象見于 天地
聖人則之章服載於經書大道邈矣然非稽古無以
信今恭惟 皇帝陛下清明在躬思睿作聖堯
垂裳而稱治蕩蕩難名舜恭己而無為巍巍莫
並無射亦保不見是圖匪直修於 朝堂每加
省於寢室乃取古玄端之制為今燕弁之宜推
已及人由內達外仍差品官之等爰 錫忠靜
之名使上下之有章欲 君臣之同德天經地

聖恩 皇言日照月臨昭哉 帝訓圖不盡
意豈繪事所能書不盡言非俗說敢贅於是昭
假 宗廟考卜禎祥德澤斯霑適靈雨之方降
號令誕布當新雷之發聲殆不占而有孚可自
信而無惑者也臣愚才非通博學乏淵源實忝
推明過承獎借 榮逾八座 錫倍三孤依黼
宸利見大人端章甫敢稱小相比迓蟒龍之寵
益愧羔羊之風篋厥玄黃韞於鏹寶誠切衣食
之解豈為溫飽之資臣愚本為一介微生屢歷
萬乘 明主服堯之服者當誦堯之言行堯之

行衣人之衣者當終人之事分人之憂苟炫虛
 名祗濫惡德夫非 天子不議禮不制度惟
 聖人作之君作之師伏願敬學緝熙顯微無間乾德
 剛健終始不渝舉一世而甄陶為百王之取法
 其儀不忒歌君子壽考萬年令聞無窮同文王
 本支百世臣無任感 恩仰 德之至
 謝 賜甘露

茲者嘉靖七年元旦日福建長泰等縣欽化等
 里 天降甘露撫臣汪鉉奏獻伏蒙
 聖恩分 賜者臣誠懼誠忭稽首頓首伏以

國家之興必有禎祥 天地之和惟在感召故建
 中實 大君所任昭事非 聖人不能恭惟
 皇帝陛下志氣如神沈幾先物備 明明之德膺
 赫赫之休地道寧而大河既澄天道清而甘露復降
 初瑞為嘉平之月再瑞當開泰之辰會 貞元
 凝成沆瀣受於松柏散之竹梧如胭如飴代呼
 天酒為珠為玉古稱帝精盛以薨鬯韞諸樸積
 誠勤萬里靈徹 九重於是 宗廟告虔
 宮闈燕喜擬羣臣之徧錫同迓 天休忝輔佐之
 先蒙實怙 君德寶味比唐堯之賜金莖陋漢

武之求若彼以圖畫來聞者豈能親見以松栢
出示者曷得真嘗夫天王聖明固不好為祥
瑞帝德廣運奚敢故為逢迎伏願 察天人
相與有嚴知上下流通無間一心萬化蕩蕩平
平一日萬幾兢兢業業由是心正而遠近莫不
正氣和而天地莫不和則諸物之祥畢至而諸
福之大可久也臣無任感 德仰 聖之至
謝 賜 手勅衣襲
茲蓋伏遇

章聖慈仁皇太后奉設 恭睿獻皇帝神位禮成過

蒙 聖恩特賜臣 手勅一道衣一襲者臣誠
惶誠恐稽首頓首伏以有夫婦而後有父子斯
道造端有父子而後有君臣於 皇建極故
帝王舉事盡制盡倫而子孫貽謀有典有則恭惟
皇帝陛下 聖由天作 孝本性成登 大寶二三
日之間迎 慈聖五千里之外奉 獻皇神靈
之統瞻望遐封崇周禮追尊之文入祀大內恭
惟 章聖慈仁皇太后陛下體坤之順承乾之
剛不忘 先君之思永切孔時之感奠獻莫伸
於 廟 殿誠敬圖展於 宮闈事亡如存畢

天子聖訓 卷之四
十四
君子偕老之願令終有淑正婦人從一之儀夫
事與時宜禮從義起酌古今之制加尊辟之
稱情既曲全文復允當非天子不議禮惟
聖人自得師序屬清秋辰涓初吉書位號於文華
之殿修禮度於清寧之宮聖母特位於前
皇上端拜於後龍龕對越象服是宜敬莫莫而有
加靈洋洋其如在一事舉而三綱大振一祭
行而十倫大明禮教敦於壺中風化被於天下
惟聖母修誠秉德克念獻皇惟
皇上先意承顏克順聖母惟獻皇刑于

聖母惟聖母篤生聖人此真帝王豐亨之嘉
祥古今全盛之昌運也臣仰惟天地之大莫
效涓埃之微禮觀大成議無小補叨龍章之
獎勞業業對揚承麟服之寵榮兢兢拜賜
皇言載辱貴錫弗勝伏願帝德光天堯難名
其蕩蕩孝誠假祖舜祗載其夔夔安寢龍
鳳之姿夢協熊羆之兆天錫純嘏燕喜邁魯
聖恩頌之聲日介昭明祚胤隆周雅之慶是誠
宗社靈長綿綿之計臣子同休惓惓之誠也臣無任
仰聖感恩之至

謝 勅諭寶鈔羊酒

伏蒙

聖恩不以臣為不職容臣復任臣感激惶懼十四日

又伏蒙 聖恩 親洒宸翰 勅臣并

賜寶鈔羊酒臣稽首拜 恩省心負愧伏以

大有為之君世不常遇 基匪懈之命古所罕聞

雖孔孟栖栖終身幸堯舜巍巍在位恭惟

皇上聰明睿知達 天德之淵微惕勵憂勤體

王道之極致有教無類立賢無方夫 君道在得臣

則萬化行臣道在急 君則百度舉願臣本以

草野之賤乏承台輔之良補衮之能曾無一字

負乘之耻於今三年得這尸曠之誅復膺

褒賜之寵臣敢不對揚 休命欽服 皇言日邁

月征用懲既往夙興夜寐益勵將來伏願

天保 后皇日躋 聖敬本支百世其永無疆

壽考萬年不選有作臣不勝感 恩願望之至

賀 四郊大禮告成

恭遇

皇上祗建 四郊大禮告成臣等誠懼誠忭稽首頓

首上言伏以 天地奠位圜方辨而二儀以陳

日月代明寒暑分而四時有序 王者法陰陽之象
聖人握參贊之機禮莫重於 郊丘文有徵於典冊
肆 皇祖之創制寔萬世之攸行道無隱而弗
彰事有待而克舉惟 天子建中和之極斯百
年兆禮樂之興講一代之上儀開 四郊之偉
觀 神靈底豫夷夏交懽通觀熙事之成式慶
昌期之會恭惟 皇帝陛下寶圖光紹駿命茂
膺稽古闡猷鴻化孚於品彙配 天享
帝至治達於神明 聖學貫乎天人 大孝光於今
古稽訂神祇之祀折衷侑享之宜析義理於毫

芒爍儀文於星日 園丘高而 方澤下禮崇
燔瘞之殊王宮東而夜明西制嚴壇坎之列經
始於庚寅之夏告成于辛卯之秋北望南瞻宛
如神造左聳右峙儼類僊居周郊再啓而孝敬
斯通漢時徒興而精湮未洽知固陋之足耻實
薦信以無慚華盖周旋萬國仰 天行之健袞
衣對越百工承日至之休三靈叶響

大報舉而寶露溥空百神降祥祀事周而珍禽獻瑞
茲蓋我 皇上制禮作樂感 天動神以垂
宗社萬年之休者也伏願 前星有耀元良建而萬

邦以貞 聖壽無疆泰階平而兆民允賴二氣
交泰而三光全四靈畢臻而五穀熟迺時雍以
成治奉 天休而永昌臣等瞻 天仰
聖無任慶忭祝頌之至

謝 賜 勅諭玉帶

伏蒙

皇上以臣奉 命會議 郊 廟諸典禮 親灑宸

翰 賜臣 勅諭并玉帶一束者臣誠惶誠恐

稽首頓首上言伏以惟 聖人為能享

帝肇禋于 郊惟 孝子為能享 親致敬于

廟誠在獨至禮不虛行恭惟 皇上存心養性以事

天追遠報本而反始故 郊則 天神格愛莫助焉

廟則人鬼享良有以也禮儀大備典則永貽夫君子

之道本諸身則天下之政出于一臣幸觀

三重之治曾無一得之愚欲寡過而未能愧不學而

無術一品三年鰥曠一日三錫駢蕃煥乎華袞

之榮瑟彼英瑤之重比德不足敢私報

主之身垂帶有餘願秉立 朝之節伏望 明明天

子立我烝民藹藹吉人生此王國上下一於恭

敬民物同於泰和再見明良喜起之歌無為而

神序集書院 二 卷之四 禮儀部 禮儀部

治永為天地宗廟之主有道之長臣無任

感激欣戴之至

賀冊立中宮皇后

伏遇

皇帝陛下 冊立中宮皇后臣等誠懼誠忭稽首頓
首謹上表稱 賀者伏以易首乾坤匹配乃生
民之始禮尊日月閨門實萬化之原故二南之
教行先 一人之家正此大婚所由謹必合德
乃有成也恭惟 皇帝陛下睿知聰明動容周
旋中禮仁義中正清明志氣如神立萬世之綱

常垂百王之軌範豈無 天作之合未符文定

之祥茲以治內所宜得人 宮中不可無相奉

神靈之統禮莫重焉理萬物之宜順為正也上承

聖慈之訓下體羣臣之情克殫厥心適追來孝

九嬪選於眾君子好述四德拔其尤 天立厥配

兼備 二妃之典允昭一代之章揚詡外和明

章內順率見 祖 考喜助奠之攸宜惠於

宗公慶享祀之不忒是之謂治天下有本身之謂也

治天下有則家之謂也臣等忝列清班欣逢盛

事伏願離明繼照 鼎命長凝燕喜登歌

功建皇極 卷之四 禮儀部 禮儀部

子子孫孫之勿替令壽作頌穆穆皇皇之咸宜
木動四方之風苞桑固萬年之業臣等無任
瞻天仰聖激切屏營之至

賀皇子誕生

恭惟

皇帝陛下 至德純全 皇天眷佑篤生 聖嗣

國本攸隆實宗社生靈億萬年無疆之慶也臣
等不勝忻躍仰戴之至

園丘禮成頌

伏覩 園丘禮成 聖敬昭格一代典章誠萬

世法程也臣從駿奔之末喜躍之餘不容無言
以紀盛事謹獻頌詞百有六十字伏祈

聖覽 頌曰

嘉靖庚寅月建戊子巳酉迎長 園丘肇祀於
皇土昭我 皇法 祖敬 天始議靡定終焉翕然
乃召司空率循 祖制載新 壇壝善述善繼
庶民子來殫心經營 躬親瞻拜用觀厥成動
容中禮習於未祭載集羣工嚴申戒誓我將我
享于豆于登惟子之半燔燎中升星河夜明燈
燭交映禮備樂和穆穆其敬 上帝居歆

新刊皇朝書院 卷之四十一 禮部

先祖是皇百神景從不顯其光 天保我 皇亦孔

之固 皇祖亦福永錫胤祚令終有俶明德惟

馨祈 天永命萬邦咸寧

謝 更名字頌

伏蒙

皇上賜更臣名孚敬 賜臣字茂恭臣銘心愧心稽

首頓首上言稱 謝者伏以禮莫大於分分定

則禮成分莫大於名名正則言順矧 君上而

臣下猶 天尊而地卑雖古禮不避嫌名在

朝堂宜有公諱伏惟 皇上恭敬退讓生知之能

動容周旋感德之至居正窮理謙尊而光別嫌明

微下觀而化臣竊念生三月而父命之名仕十

年而臣未之改叨從大夫之後密邇

若父之前名屬嫌疑心切驚懼始請 詔臣仍舊教

臣以孝再請 許臣更新教臣以忠爰 錫令

名申 錫嘉字夫人臣能陳善之謂敬能責難

之謂恭臣仰惟 聖德明明無善可陳

王道蕩蕩無難可責臣惟當顧名思義謹始慮終效

温温之恭人法謙謙之君子臣伏願

一人有慶萬壽無疆 聖敬日躋垂拱而天下治

力建皇極書元 卷之四十一 禮部

天命匪懈篤恭而天下平臣無任感激欣戴之至

皇太后聖誕宴賞致語三章并詞

伏以九重天上祥開寶婺之宮十二樓前歡

奉瑤池之宴慈顏有喜聖孝無彊恭惟

章聖慈仁皇太后陛下齊莊中正恭儉溫文遠嗣徽

音有太姒太妊之德篤生聖子為帝堯帝舜

之君視膳問安禮有隆而無替承顏先志心

弗懈而愈虔睠茲游衍之區近接清寧之宇爰

因舊貫用壯新規激水飛輪轉星槎於海上駐

春芳樹移月桂於雲端參差繡閣文窻宛轉金

屏翠幙魚遊曲沼涵渥澤以何知蜂護新窠感

和風而自集瓊筵高列洞府儼遊寶扇森張鈞

天樂奉玉食備四方之奉金漿凝九轉之丹拜

捧霞觴願年年依光愛日宣揚口號一句句

祝壽齊天

薰風池閣日偏長寶宴當筵玉樹芳萬轉笙歌

分水調六宮羅綺染天香昇平氣象看魚鳥仁

厚禎祥有鳳凰翹首紅雲天咫尺袞衣親捧萬

年觴

伏以

慈極豫康慶長春之宮苑那家間暇開永日之御筵
龍衣承歡遲遲禁漏鳳笙奏雅藹藹和聲恭惟

章聖慈仁皇太后陛下尊崇禮極覆育恩深德茂坤
貞身備周南之化祥開泰運養兼天下之隆惟
禁籞之清華稱歲時之遊覽 聖主因心而備
物司空刻日以鼎新栢柱修門直抵清虛之府
棕簷翼陛弘開燕喜之亭三面花臺雲錦飛香
於烟霧四周蘋水虹梁枕影於空明星毬躍而
浴兔疑光雲璈鳴而遊魚出聽西昆王母薦初
實之冰桃南岳夫人獻長生之玉醴所願同天

之壽保 皇躬于億年庶幾愛日之誠溥歡心
於萬國敢陳衷悃少效讚揚

雲錦亭臺玳瑁筵萬絲芳柳 御爐烟

皇心不是尋常孝 慈壽應同億萬年水繞方壺開
洞府風傳清樂下鈞天臣工寫得 東朝事試
續唐虞典一篇

伏以 宸居天啓聿嚴 視膳之規 洞府僊
遊光奉承 歡之宴領 神天之眷祐

慈極豫康愛化日以舒長輿情欣忭恭惟

章聖慈仁皇太后陛下德隆恭儉道協冲虛大訓光

前益廣螽斯之化深仁啓後永垂燕翼之謀偶
動息之違和致天人之率籲我 皇上心存勞
悴問安常至於日三 孝格神明勿藥爰臻於
夏五 三靈有恃萬國均歡鎬宴弘開時雨滌
山川之氣虞弦間奏薰風生殿閣之涼饌簇時
新珍蕪水陸酒傾春釀芳動椒蘭拜舞六宮祝
慈顏後天不老齊呼萬壽願 聖治與日俱新敬寫
心聲式陳口號

雞聲問寢報平安鶴駕雲中降綺筵寶婺光輝
騰九道瑤池珠翠擁羣僊答生壽域吾

皇啓金母靈筮奕世傳玉井有蓮堪獻壽花開十丈
藕如船

皇嗣期月燕喜 聖母致語三章

臣薄暮忽奉

聖諭明晨 皇嗣期月燕喜 聖母令臣作致語三

首臣謹撰進

覽倉卒愧不成文伏乞 聖裁

伏以

皇天啓運國祚綿長載篤 聖人誕生 皇子恭惟
章聖慈仁皇太后陛下 壽考萬年 子孫千億始

發祥於今日允垂裕於後昆是用懽歌以伸
善頌

伏以白露清秋黃花令節

皇儲滿一月之期國本增萬方之慶恭惟

章聖慈仁皇太后陛下開筵燕喜實慰懽心我

皇上稱壽承顏真為孝養載歌螽斯之螫螫永

觀瓜瓞之綿綿

伏以

宮中燕喜天下康寧惟茲元良儲承神器恭惟

章聖慈仁皇太后陛下子子孫孫勿替引之穆穆皇

皇良可賀也自茲室家之壺永迓祚胤之休三
頌用伸萬邦胥慶

奉勅擬中宮皇后序女訓後

恭惟我

章聖慈仁皇太后昔在藩邸恭睿獻皇帝刑于之

化嘗著為女訓一集雖已梓刻而傳播未廣也

近者我皇上為宮中表而出之乃

命儒臣章分句析以為宜解於是卜日具儀請于

聖母躬授妾於座前敬承聖母訓旨云內治以助

外政淑女以配君子爾既嗣位女長不可不務

其職自今伊始以吾昔著女訓授爾爾宜勤力
勉修庶不負吾著書以望於將來之意爾惟體
之敬之勿忽勿忘妾拜 命而退再稽首而言
曰嗚呼至矣我 聖母之盛心也其所以述宣
陰教助理王化誠足以垂範於天下萬世可寶
也哉考之 本朝洪武初則有女誠永樂初則
有內訓宜與是編並傳無疑其視昔人所撰女
憲女教諸書詎可同日語耶夫家國之興本於
內治閨門之地萬化基之前乎唐虞以底於商
周後乎秦漢以迄於唐宋其賢后哲妃貞婦淑

女班班可考若其家法之正而嚴周而密則未
有如我 國朝之超越千古莫之並焉者也蓋
其敬順之儀端貞之風自 高皇后啓於前
文皇后繼於後而我 列后則以續以承迄今
聖母皇太后則尤備焉妾方侍教 慈宮耳所熟聞
不俟遠求語古得我師焉是訓也其文凡若干
其卷凡十有二然究其要則不踰乎敬而已矣
夫敬德之聚也禮云必敬必戒毋違夫子敬斯
無違也仰惟我 皇上純孝深仁本於天性雖
處深宮無異臨朝至敬之化刑焉妾以菲德乃

獲上配 至尊恒惕惕然懼弗能為六宮之長
日惟誦味是編念茲敬茲以求無忝于

光訓云

擬 車駕還京廷臣賀表 正德十六年


聖駕自南畿還謹奉表稱 賀者臣某等誠懼誠忭
稽首頓首上言伏以 天子以四海為家禮不
言出兆民賴 一人有慶詩美那居堯作垂裳
舜稱恭已省方之觀雖肇於古為逸之戒不廢
於今乃 萬乘之回鑾當三陽之開泰九遠清
道以迎輦六宮焚香而抱綉慶洽天人懽均中

外恭惟 皇帝陛下英明天縱神武風行履乾
元九五之尊為萬國華夷之主 一祖六宗之
丕緒啓能敬承大綱小紀之詒謀禹吾無間十
有二年之間暇一舉八月之巡行乃卷阿發興
之新豈無逸盤遊之故時邁隆乎三代風聲訝
於九州非率舊章遂成盛事轍方環于海北
詔遂下之江南六師指日以啓行百官交章而止輦
批逆之怒似震之雷霆照覆之明實臨之日月
雖 人主不懈于位在臣子恐勞其神始猶形
迹之嫌疑終則腹心之孚合奈何變生蜂螫禍

起犬牙釁雖啓之三監毒將流于四國神人共
怒遐邇咸寃聲罪致討之師不容不舉以義割
恩之法不得不親撻彼商武丁鬼方之師奮然
周宣王淮北之將應之同迫乎六月克之何待
乎三年濯災障於萬方日星光耀掃氛妖於一
鼓江漢清明是皆 聖斷之剛明由此
皇猷之赫奕翻然念 京師為根本遽爾振軍旅以
凱還臣等之 扈從之真才承居守之
嚴命食不下咽日愧素餐依象魏於九天奄成歲月
之隔瞻 龍顏於萬里每勤蚤夜之思何幸拜

冕旒於維晨仍得聯簪組於鴛列香飄合殿和風
醉春色之羣僊花覆千官淑景舞朝陽之鳴鳳
况之 國家大事有須 皇上躬臨
郊社禮行酬后皇覆載之德慶成宴錫昭上下媚愛
之情 當宁明試以功 臨軒親策多士固舊
章適當其會實 聖心豫立其誠者也伏願
還宮之後 聖德日就而月將多難之餘
宸衷朝乾而夕勵室家之壺有事嫵婉之求
宗社之安無作流連之好盈椒實之繁衍固桑苞之
久長臣等無任激切屏營之至謹奉表稱

賀以聞



太師張文忠公集之四稿卷

